

九州分野 太白尊星 周行六合 炎火火鈴  
 八威吐毒 伏鬼不刑 三十五萬 食鬼吞精  
 幽冥大赫 降魔伏靈 大千世界 總氣上兵  
 何神不祐 何鬼敢侮 泰山丈人 揚揚虛靈  
 許惡之鬼 盡使刀兵 神符永鎮 萬鬼不寧  
 急急如

上清律令勅

右誦呪八遍書成

又呪曰

三十六天罡 天中大神王 炎帝烈我血  
 賜我為上黃 七總太元君 為吾驅禍殃  
 真炁受雷火 老公伏火光 急急如  
 上清律令勅  
 右誦呪二十一遍溪水一口於符上放  
 訣

上清天樞院回車畢道正法卷上

上清天樞院回車畢道正法卷中

此五

布氣法

至誠到處向日焚香仰祝曰具職位某仰告  
 太陽帝君臣某行天樞院天心正法救治萬  
 民疾苦布氣安神今乞特賜慈悲願降真氣  
 入臣身中泥丸百節五臟六腑浩然充滿凡  
 治生靈願無不効畢志心唯一鳴天鼓七下  
 開日向日兩手各掐中指第三節使向日取  
 氣一口吞之念呪七遍然後吞此第二口也  
 再掐右手念呪七遍又取一口氣吞之便將  
 兩手交對口上呪七遍又取真氣一口吹兩  
 訣上周而復始如此為之者三呪曰  
 風疾風裏去 氣痛隨氣滅  
 凡有患人令在東南方西北向師在西北東  
 南向對面坐令患人按定病處不得放先款  
 一聲便取氣一口未得吞下便安兩手如前  
 訣呪七遍令再款聲取氣吞下再呪如前輕  
 者三五次重五七次必効  
 淨心淨意兩手中指按掌心文請五方二十

呪水法

八宿 謹請東方角亢之星精真形仗劍持符護吾

身形

謹請南方井鬼之星精真形仗劍持符護吾

身形

謹請西方奎婁之星精真形仗劍持符護吾

身形

謹請北方斗牛之星精真形仗劍持符護吾

身形

謹請中央七星之精黃之真形仗劍持符護

吾身形

五方真氣入吾此水此水非常之水上清無  
 極大道自然之水能除疾病能救苦厄吾此  
 水一點落處皆成清淨若是正神著此水者  
 廣大神通若是妖怪著此水者身如火所  
 燒此水皆是

此五

上天其人降真氣所成何邪不伏何鬼敢形  
 當吾者死背吾者亡神水到處萬鬼伏藏呪

曰

魁元乾元 利貞璣真 太虛請勅 崑崙天戶

急急如


上清律令 三七 逆

右用灑淨則蕩諸邪穢吞符則莫不立應  
時行瘟疫可灑宅舍內外及有病煎煮湯  
散其効乃信無所不用也

取勞蟲法

凡人患傳屍疾未及一百二十日者則先度  
請正一道士作醮三日書符三道依後法與  
患人服之至第四日預備錫一隻煎油五斤  
以上用白絹一疋縛患人於柱上用生絲左  
線三條各長四尺四寸每條桃木上縛符一  
道令患人以人參湯吞下一道令人把定候  
符收線入腹中繫用尺幹開口急拔出符蟲  
在上如此三度取蟲三條皆作聲入油煎了  
乃安一條兩條斷必死

第一符



用絹半寸方以朱書左手午上為訣念呪書

以蠟丸之於第一日丑時服之乳香湯下念  
呪三遍書成

呪曰

天靈三光神 令我受賜命 今受勅斬汝  
勅至法奉行

第二符



用絹半寸方以朱書左手申上為訣念呪書  
之以蠟為丸於第二日午時服之乳香湯下  
念呪三遍乃書成

呪曰

本為汝我損 我今群合汝 如是諸飛天  
流浪飲屍鬼

第三符



用絹半寸方以朱書左手亥上為訣念呪書

以蠟為丸至第三日亥時服乳香湯下念呪  
三遍書成

呪曰

太上大道君 愛我保身形 吉慶降天符  
太一合元真


治疔法

發至七日了可治發時兩手中指指掌中心  
看患人持呪七遍令嗽一聲取氣一口在壁  
三度呪之令患人忌五辛毒物各七日


呪曰

殺殺縛 勅斬滅

安靈神符貼靈室內



鎮宅神符



移腫毒

腫毒雖七八分者亦可治訣在左手午上按定痛處呪曰

汝是毒何損人肉 吾今送汝上刀岡 急急如律令劾

呪七遍移訣今嗽一聲取氣一口吹在地 上乃以脚滅之

治瘧說

治瘧自有法中常儀初入門仍先用兩手中指拍掌心呪曰

閉天目一切鬼神不見此是為患人布氣之法到患人牀前曰

行疫年王行病使者此子行不善道天令汝等巡歷此子今改過歸奉

大道吾已奏聞

上帝牒城隍訖如不係天符勾取可急收藥毒氣毒前去不得少停恐天赦將至如違的 不容情急急奉行

治鬼邪法

患人身須得實年月日時右手伏劍先拍訣

拍掌上呪四十九遍噴水一口於患人身上 若輕便住如未住則拍生月上呪四十九遍 噴水一口於患人身或尚未全退則生日生 時並同前法為之周而復始待報應乃已呪

天勅上啟 急令絕惡 急煞急縛 右恐不得月日時只如子生便用子北 乃天中四刺縛邪法也更以乳香湯下北 斗七元符三台符也

治心邪血邪草靈丹方

神桃七箇 乳香半兩 辰砂半兩 酸棗仁半兩 當歸半兩 地黃半兩 雄黃半兩

右七味為末以蠟為丸如梧桐子大每服二十 一丸并符七道臨時着符亦作九子丈夫燈 心湯下婦人紅花湯下

治顛邪行持及斷鬼神秘法

下元生人行諸不善發驕慢心恣縱姦殺常 生輕謗行不孝道慳食不足而生妄心既有 妄心即驚其神煩惱妄想憂苦身心是以邪 魅乘虛而來以投其隙精邪下鬼百怪千妖

侵剋形魂叫笑不常喜怒不定精神恍惚或 歌或舞或悲或啼飲食太過不識尊卑千條 萬紀或因塚墓不安祭祀不謹居處山地位 樹成災不可不知也試論其狀即辨其源矣 心病屬火乃面赤叫笑聲高多嘆少喜

肝病屬木乃面青飲酒太過悲憂不止 肺病屬金乃面白持刃行兇常言開殺 脾病屬土色黃飲食太過而常稱不絕 腎病屬水憂愁不常多折衣服低頭咬齒狀 若怕羞是也

此乃五臟受邪之證先須行持以符服之然 後隨其本臟用藥攻之無不効矣

識鬼邪

睜目咬牙凶橫自刑之鬼也 歌舞叫笑山魃之鬼也 呼神喚鬼咬器物者客亡之鬼也 或噴或喜社廟之鬼也 咬牙叫喚聲如忍痛落水之鬼也 恐懼生人精物之鬼也 怕日羞明血死產難之鬼也

多好遊走樹木之鬼也  
自刑覓死冤債之鬼也

多好眠睡獄死之鬼也

至於持誦者經而輕慢經典嘆氣呻吟心氣  
有憂多言虛詐失志歌舞嗔喜不定亦邪鬼  
之候矣

之候矣

凡驗鬼祟即依此式無有不實若欲知其有  
病無病即驗其眼目上視或青或白鮮淨者  
無恙如常者並虛詐也

凡欲治顯邪即先令投狀次關住處靈祇牌  
本屬城隍差借吏兵去防護然後入斗存身  
行持具威儀前去看驗依科行法不得任性  
見患人須和柔訓化勿傷神氣乃使不生狂  
惡故全其理也

入斗存身行持秘法

凡治顯邪凶惡之鬼切須齋心沐浴先行持  
而往至彼亦不可散心恐頑惡下鬼無所知  
識敢有不從致失威儀贖

上帝之命雖久而終就擒捉亦行持若是  
每行持面東焚香正身端立用兩手大指各

掐上清訣從腦後轉至眉心分直從前下  
又腰然呪曰

吾身中功曹使者當召出吾身中十二時辰  
陽平二十四氣七十二候左三魂右七魄一  
萬二千精光神二萬二千形影神三萬三千

毛竅神心神脾神肺神肝神腎神各具威儀  
與吾吉慶賜吾大道令吾身形化為上清玄  
都三十六洞天伏魔法師頂遠遊冠身披絳  
縮服執圭朱履身坐玉局汝等靈神衛吾左  
右上使紅光蓋吾下使祥雲圍遶前至某處

某人家考察邪鬼治病除妖使令邪魔萬鬼  
自誅凶惡不見疾病消除南靈覆護變形玉  
虛急急如  
上清律令勅

呪畢面東噴水一口乘於身上次再焚香

面南叩齒具位姓名稽首

南極天府星君 南極天相星君  
南極天梁星君 南極天同星君  
南極天樞星君 南極天機星君  
南極萬壽星君 南極三明夫人

南極火鈴將軍

臣某今日吉慶長壽修行無量度人濟世除  
妖破邪立正伏望

南府星君特賜

神光衛護身形使者三千人火鈴將軍下護  
臣身令得長生急急如

上清律令

呪畢叩齒依儀式步罡一步念一星君

天府星君 天相星君 天機星君

天同星君 天樞星君 天梁星君

步畢執劍呪曰

某日功曹使者吾遣汝上天速至天門遣汝  
入地速至地戶遣汝入水速至水府吾今不  
遣汝上天不遣汝入地不遣汝入水遣汝速  
至某處某家告示某人住處司命土地干係  
等神祇并本屬城隍差來兵將仰防禦本所  
前來看驗某人疾患須管精嚴無令穢觸有  
失威儀次念天靈地靈天地交并功曹神將  
不得留停速去速來吾在壇前卓劍相待急  
急如

上清律令

咒畢便將劍卓在地二手十指相叉喝一聲去凡入患人家繞入門見人便收却頭中直上廳上正坐纜坐時使用二手中指掐掌心為訣布氣一口於四方便呪曰

吾是元皇之孫太上之子此斗與我為所使周行禹步天吏所使左侍青龍右侍白虎三清上帝密布真炁敢有祿氣惡逆之鬼當不伏者金羅鐵網都處死急急如律令勒

呪七過了便於周四收氣一口吹在二手內便重掐訣令痛呪曰

天為我父地為我母日月為我兄弟七星為我朋友六甲將軍手執鉞斧地甲將軍嚴持鐘鼓三台前行禽宿後使吾與天為臣受天所使斬邪吞魔縛妖攝鬼指呼為命調理剛氣上天符命土地皆至急急奉行

東方

東方青帝青童君執鐘擊鼓速縛與秋之鬼入金羅之獄重罪無情急成公案併令如前受天符命目視東方喝云去

南方

南方赤帝赤童君手執雷電速縛與秋之鬼入無了之獄重罪無情急成公案併令如前受天符命目視南方喝云去

西方

西方白帝白童君手執鉞斧速縛與秋之鬼入陷海之獄受罪無情急成公案併令如前受天符命目視西方喝云去

北方

北方黑帝黑童君手執帝鍾速縛與秋之鬼入無牽之獄受罪無情急成公案併令如前受天符命目視北方喝云去

中央

中央黃帝黃童君手執金槌速縛與秋之鬼入長停之獄受罪無情急成公案併令如前受天符命目視天喝云去

其顯邪人必自叫喚便云左右統兵助法神將為吾擒出便令其家人引患人至廳下其患人即仗便呪曰患人喚出天靈地靈 天地交并 受差將吏 無輒容情

擒捉鬼賊 速至塔前 急急如律令

呪七過患人至塔下便云直日獄卒為吾擒捉鬼賊便呪曰

上天勅令 速縛魔精 隨行獄卒 無輒容情 急依天命 勒伏招情 當吾步下 元亨利貞 急急如律令

咒三過患人自坐纜坐便問令說因依如不伏便喝云為枷却便呪七過上清

呪曰

上天來命 玉帝鬼除 枷下邪鬼 有逆上清 九天玄籍 無輒容情 急急如律令

患人自如枷矣再問不伏兩手並作玉皇訣喝云為吾枷却用案呪七過呪曰

天靈天禁 吾奉上清勅 枷却鬼賊 抵拒有刑 鬼置幽斗 無輒容情 急急如律令

患人只自立如細再問令說不伏便云為吾打脚兩脚一同便呪曰勅

上天勅命 枷禁邪精 行刑獄卒 不得容情 併天符命 依勅奉行 急急如律令

患人只自叫問因依不伏便使黃蜂之呪

三過劫見

太魔太靈 魁光七星 九氣真元 未了上噀

奉命如命 火急奉行 急急如律令

患人如又不伏便云為吾縛上銅柱銅汁鐵丸

灌之呪七過劫見

太微太微 赤鍊銅汁 九天承事 受罪無劫

再生再死

上帝勅攝 併令獄卒 食鬼飲血 急急如律令

患人呼若便問因依

斬鬼法用減法鬼法

如斬鬼便將律驗法云汝今得此罪罪當斬

便云富院劊子為吾斬鬼呪曰

天帝嚴勅 受命劊宿 領天符命 無輒容情

神鋒兩刃 賊惡去除 領赴壇下 一劊去誅

急急如律令

呪七過了便云推出凌遲鬼噉曰七過

天帝勅行 天甲天丁 鬼犯重罪 粉骨碎形

奉天勅命 法到奉行 急急如律令

斷鬼呪用劫

天帝勅行 立法無情 三天符下 受罪當刑

奉天勅命 法到奉行 急急如律令

配鬼呪用劫

鬼犯惡罪 心受無情 當行律令 配赴海營

上天勅命 依法奉行 輒有不伏 粉骨碎形

急急如律令七過

自擒坐鬼賊呪至此呪每念了即哭水一

口云滅也

遺治顛邪心法

凡是室女婦人不欲見者呪水了令取一盞

洗手面了與患人洗手面自洗手時用兩手

拍玉皇訣呪七過七吹入水內也呪曰

神天龍手 千魔自去 設位大羅 嘯誅洞歌

急急如

上清律令

呪畢剔訣於水中

訣目

太清訣 二指上 勅鬼訣 二指中

玉清訣 中指上 玉皇訣 中指中

卓初訣 中指下 上清訣 四指中

紫微訣 四指中 配鬼訣 小指中

滅鬼訣 小指下

欲往治邪先燒關引及帖榜與本家土地司

命門前五道千係等神祇候仍牒城隍借兵

收擒看守用了即再用牒交還收管訖通明

報應

布氣呪

乾元天靈 甲乙丙丁 戊己太一 壬癸守形

朱雀覆護 壽命長生 身中功曹 三五將軍

左右神人 今日吉慶 得道至妙 使我通靈

蕩除穢氣 凶惡不寧 神清氣爽 得道修真

急急如

上清律令

上清天樞院回車畢道正法卷中